

Na osnovu člana V.3. (d) Ustava Bosne i Hercegovine, Predsjedništvo Bosne i Hercegovine je na 57. sjednici, održanoj 7. oktobra 2004. godine, donijelo

## **ODLUKU**

### **O RATIFIKACIJI SPORAZUMA IZMEĐU BOSNE I HERCEGOVINE I REPUBLIKE MOLDAVIJE O IZBJEGAVANJU DVOSTRUKOG OPOREZIVANJA I SPREČAVANJA UTAJE POREZA U ODNOSU NA POREZE NA DOHODAK I KAPITAL**

#### **Član 1.**

Shodno saglasnosti Parlamentarne skupštine Bosne i Hercegovine (Odluka PS BiH broj 86/04 od 29. jula 2004. godine) ratifikuje se Sporazum između Bosne i Hercegovine i Republike Moldavije o izbjegavanju dvostrukog oporezivanja i sprečavanja utaje poreza u odnosu na poreze na dohodak i kapital, potpisan u Kišinjevu 8. decembra 2003. godine na srpskom, bosanskom, hrvatskom, moldavskom i engleskom jeziku.

#### **Član 2.**

Tekst sporazuma glasi

## **SPORAZUM**

### **IZMEĐU REPUBLIKE MOLDAVIJE I BOSNE I HERCEGOVINE O IZBJEGAVANJU DVOSTRUKOG OPOREZIVANJA I SPREČAVANJA UTAJE POREZA U ODNOSU NA POREZE NA DOHODAK I KAPITAL**

Republika Moldavija i Bosna i Hercegovina,

želeći da zakquče Sporazum o izbjegavanju dvostrukog oporezivanja i sprečavanju utaje poreza u odnosu ne poreze na dohodak i imovinu,

sporazumjele su se o slijedećem

#### **Član 1.**

#### **Lica na koja se primjenjuje Sporazum**

Ovaj Sporazum se primjenjuje na lica koja su rezidenti jedne ili obje države Ugovornice.

#### **Član 2.**

#### **Porezi na koje se primjenjuje Sporazum**

(1) Ovaj Sporazum se primjenjuje na poreze na dohodak i na imovinu nametnute u ime države Ugovornice ili njenih administrativno-teritorijalnih jedinica ili lokalnih vlasti, nezavisno od načina naplate.

(2) Porezima na dohodak i na imovinu smatraju se svi porezi koji su nemetnuti na ukupan dohodak, na ukupnu imovinu ili na dijelove dohotka ili imovine, ukqučujući

poreze na prihode od otuđenja pokretne ili nepokretne imovine, poreze na ukupne iznose plata ili naknada koje isplaćuju preduzeća, kao i poreze na prirast imovine.

(3) Postojeći porezi na koje će se primjenjivati Sporazum su posebno:

a) u Moldaviji:

(i) porez na prihod fizičkih lica;

(ii) porez na nepokretnu imovinu;

b) u Bosni i Hercegovini:

(i) porez na platu,

(ii) porez na dobit preduzeća,

(iii) porez na dohodak od privredne i profesionalne djelatnosti,

(iv) porez na dohodak od poqoprivredne djelatnosti,

(v) porez na imovinu,

(vi) porez na prihod od imovine i imovinskih prava,

(vii) porez na prihod od autorskih prava, patenata i tehničkih unapređenja,

(viii) porez na ukupan prihod fizičkih lica.

(4) Sporazum se takođe primjenjuje i na iste ili bitno slične poreze koji su poslije potpisivanja ovog Sporazuma nametnuti pored ili umjesto postojećih poreza. Nadležni organi država Ugovornica obavijestit će jedni druge o značajnim promjenama u njihovim poreskim zakonima.

### Član 3.

#### **Opšte definicije**

(1) Za potrebe ovog Sporazuma, ukoliko kontekst drugačije ne zahtijeva:

a) izrazi "država Ugovornica" i "druga država Ugovornica", označavaju

Republiku Modaviju ili Bosnu i Hercegovinu, zavisno od konteksta;

b) izraz "Modavija" označava Republiku Modaviju i, ako se koristi u geografskom smislu, označava njenu teritoriju u okviru njenih granica, koju čine tlo, potpovršinski sloj tla, vode, te vazdušni prostor iznad tla i voda, nad kojim republika Moldavija ima apsolutni i isključivi suverenitet i jurisdikciju, u skladu sa domaćim i međunarodnim Zakonom;

- c) izraz "Bosna i Hercegovina" označava državu Bosnu i Hercegovinu;
  - d) izraz "osoba" obuhvata fizičku osobu, kompaniju ili drugo društvo osoba;
  - e) izraz "kompanija" označava pravnu osobu ili ustanovu koja se smatra pravnim za poreske svrhe;
  - f) izrazi "preduzeće države Ugovornice" i "preduzeće druge države Ugovornice" označavaju preduzeće kojim upravlja rezident države Ugovornice, odnosno rezident druge države Ugovornice;
  - g) izraz "međunarodni saobraćaj" označava promet brodom, avionom, ili cestovnim vozilom kojima upravlja preduzeće države Ugovornice, osim ako se brod, avion ili cestovno vozilo koristi isključivo između mjesta u drugoj državi Ugovornici;
  - h) izraz "nadležni organ" označava:
    - (i) u Moldaviji: Ministarstvo finansija, odnosno njegovog ovlaštenog predstavnika;
    - (ii) u Bosni i Hercegovini: Ministarstvo finansija i trezora, odnosno njegovog ovlaštenog predstavnika.
  - i) izraz "državljanin" označava:
    - (i) bilo koja fizička osoba koja posjeduje državljanstvo države Ugovornice;
    - (ii) bilo koja pravna osoba, partnerstvo ili udruženje koja takav status stiče prema zakonu na snazi u državi Ugovornici.
- (2) Kada država Ugovornica primjenjuje ovaj sporazum u bilo koje vrijeme, svaki izraz koji nije u njemu definisan, ukoliko kontekst drugačije ne nalaže, ima značenje koje u to vrijeme ima sukladno Zakonu te države koji se odnosi na poreze na koje se ovaj sporazum primjenjuje, a svako značenje u skladu primjenjivim poreskim zakonima te države ima prednost u odnosu na značenje koje tom izrazu daju drugi zakoni te države.

#### Član 4. **Rezident**

- (1) Za potrebe ovog sporazuma, izraz "rezident Ugovorne države", označava osobu koja, u skladu sa zakonima te države, podliježe oporezivanju u toj državi na osnovu svog prebivališta, boravišta, mjesta registracije, sjedišta uprave ili bilo kojeg drugog kriterija slične prirode, a takođe označava tu državu, njenu administrativno-teritorijalnu jedinicu ili lokalnu vlast. Ovaj izraz ne uključuje osobu koja u toj državi podliježe oporezivanju samo na prihod iz izvora u toj državi ili samo na imovinu koja se u njoj nalazi.
- (2) Ako je prema odredbama stava 1. ovog člana fizička osoba rezident obje Ugovorne države, njen status se određuje na slijedeći način:

- a) smatra se da je rezident samo one države u kojoj ima stalno mjesto stanovanja; ako ima stalno mjesto stanovanja u obje države, smatra se da je rezident samo one države sa kojom ima tješnje osobne i ekonomske veze (središte životnih interesa);
  - b) ako se ne može odrediti u kojoj državi ima središte životnih interesa ili ako ni u jednoj državi nema stalno mjesto stanovanja, smatra se da je rezident države u kojoj ima uobičajeno mjesto stanovanja;
  - c) ako ima uobičajeno mjesto stanovanja u obje države ili ni u jednoj od njih, smatra se rezidentom države čiji je državljanin;
  - d) ako je državljanin obje države ili ni jedne od njih, nadležni organi Ugovornih država će riješiti pitanje zajedničkim dogovorom.
- (2) Ako je u skladu sa odredbama stava 1. ovog člana, osoba, osim fizičke osobe, rezident obje Ugovorne države, smatra se da je rezident Ugovorne države u kojoj se nalazi njeno sjedište uprave.

#### Član 5. **Stalna jedinica**

- (1) Izraz "stalna jedinica", za potrebe ovog Sporazuma, označava stalno mjesto poslovanja kroz koje, u potpunosti ili djelimično, preduzeće obavlja posao.
- (2) Izraz "stalna jedinica" posebno podrazumijeva slijedeće:
- a) sjedište uprave,
  - b) filijala,
  - c) poslovnica,
  - d) tvornica,
  - e) radionica, i
  - f) rudnik, izvor nafte ili gasa, kamenolom ili drugo mjesto iskorištavanja prirodnih bogatstava.
- (3) Izraz "stalna jedinica" takođe uključuje:
- a) gradilište, građevinski, montažni ili instalacioni projekat ili nadzorne aktivnosti s tim u vezi, ali samo ako takvi radovi, projekat ili aktivnosti traju više od devet mjeseci u okviru bilo kojeg perioda od dvanaest mjeseci;
  - b) pružanje usluga, uključujući konsultantske usluge, od strane preduzeća preko zaposlenih ili drugog osoblja kojeg preduzeće angažuje u te svrhe, ali samo ukoliko se djelatnosti te prirode nastave (za isti ili povezani projekat) u državi Ugovornici za period

ili periode u ukupnom trajanju od tri mjeseca u okviru bilo kojeg perioda od dvanaest mjeseci.

(4) Bez obzira na prethodne odredbe ovog člana, izraz "stalna jedinica" ne podrazumijeva:

a) upotrebu objekata isključivo u svrhu skladištenja ili izlaganja dobara ili robe koja pripada preduzeću;

b) održavanje zalihe dobara ili robe koja pripada preduzeću isključivo u svrhu skladištenja ili izlaganja;

c) održavanje zalihe dobara ili robe koja pripada preduzeću isključivo u svrhe prerade od strane drugog preduzeća;

d) održavanje stalnog mjesta poslovanja isključivo u svrhu kupovine dobara ili robe ili prikupljanja informacija za preduzeće;

e) održavanje stalnog mjesta poslovanja isključivo u svrhu obavljanja nekih drugih djelatnosti za preduzeće koja su pripremnog ili pomoćnog karaktera;

f) održavanja stalnog mjesta poslovanja isključivo u svrhu kombinacije djelatnosti navedenih u tač. a) do e) ovog stava, pod uslovom da je ukupna djelatnost koja nastaje iz ove kombinacije pripremnog ili pomoćnog karaktera.

(5) Bez obzira na odredbe st. 1. i 2. ovog člana, ako osoba, osim zastupnika sa samostalnim statusom na koga se primjenjuje stav 6. ovog člana, djeluje u ime preduzeća, posjeduje i uobičajeno koristi u državi Ugovornici ovlaštenje da zaključuje ugovore u ime preduzeća, smatra se da to preduzeće ime stalnu jedinicu u toj državi u odnosu na bilo koje djelatnosti koje ta osoba obavlja za preduzeće, osim ako djelatnosti te osobe nisu ograničene na djelatnosti navedene u stavu 4. koje, ako bi se obavljale preko stalnog mjesta poslovanja, ne bi ovo stalno mjesto poslovanja činile stalnom jedinicom u skladu s odredbama tog stava.

(6) Ne smatra se da preduzeće ima stalnu jedinicu u državi Ugovornici samo zato što u toj državi obavlja svoje poslove preko posrednika, generalnog komisionog zastupnika ili drugog posrednika sa samostalnim statusom, ukoliko te osobe djeluju u okviru svojih uobičajenih poslovnih djelatnosti.

(7) Bez obzira na prethodne odredbe ovog člana, osim u slučajevima reosiguranja, smatraće se da osiguravajuće preduzeće države Ugovornice ima stalnu jedinicu u drugoj državi Ugovornici ako naplaćuje premije osiguranja na teritoriji te druge države Ugovornice ili osigurava od rizika u toj drugoj državi posredstvom osobe koja nije posrednik sa samostalnim statusom na koju se primjenjuju odredbe člana 6.

(8) Činjenica da kompanija koja je rezident Ugovorne države kontroliše ili je pod kontrolom kompanije koja je rezident druge Ugovorne države ili koja obavlja poslovanje u toj državi (preko stalne jedinice ili na drugi način) sama po sebi nije dovoljna da se jedna kompanija smatra stalnom jedinicom druge kompanije.

## Član 6.

### Dohodak od nepokretne imovine

- (1) Dohodak koji ostvari rezident države Ugovornice od nepokretne imovine (uključujući dohodak od poqoprivrede i šumarstva) koja se nalazi u drugoj državi Ugovornici može se oporezivati u toj drugoj državi.
- (2) Izraz "nepokretna imovina" ima značenje u skladu sa zakonom države Ugovornice u kojoj se odnosna imovina nalazi. Ovaj izraz u svakom slučaju uključuje imovinu koja pripada nepokretnoj imovini, stočni fond i opremu koja se koristi u poqoprivredi i šumarstvu, prava na koja se primjenjuju odredbe opšteg Zakona o zemljišnoj svojini, plodouživanje nepokretne imovine i prava na promjenjiva ili stalna plaćanja kao naknade za iskorištavanje ili prava na iskorištavanje mineralnih nalazišta, izvora i drugih prirodnih bogatstava; brodovi, avioni i cestovna vozila ne smatraju se nepokretnom imovinom.
- (3) Odredbe stava 1. ovog člana primjenjuju se na dohodak koji se ostvari neposrednim korištenjem, iznajmivanjem ili drugim načinom korištenja nepokretne imovine.
- (4) Ako vlasništvo nad dionicama i drugim pravima kompanije vlasniku takvih dionica ili korporativnih prava daje pravo na uživanje nepokretne imovine koju ima kompanija, dohodak od tog neposrednog korištenja, iznajmivanja ili drugog načina korištenja tog prava na uživanje može biti oporezovano u državi Ugovornici u kojoj je smještena ta nepokretna imovina.
- (5) Odredbe st. 1, 3. i 4. ovog člana primjenjuju se i na dohodak od nepokretne imovine preduzeća, kao i na dohodak od nepokretne imovine korištene za izvođenje samostalnih osobnih djelatnosti.

## Član 7.

### Dobit od poslovanja

- (1) Dobit preduzeća države Ugovornice oporezuje se samo u toj državi, osim ako preduzeće ne obavlja poslovanje u drugoj državi Ugovornici preko stalne jedinice koja se u njoj nalazi. Ako preduzeće obavlja poslovanje u drugoj Ugovornoj državi na pomenuti način, dobit preduzeća može se oporezivati u toj drugoj državi, ali samo do iznosa koji se pripisuje u toj stalnoj jedinici.
- (2) Zavisno od odredaba stava 3. ovog člana, ako preduzeće države Ugovornice obavlja poslovanje u drugoj državi Ugovornici preko stalne jedinice koja se u njoj nalazi, u svakoj državi Ugovornici se toj stalnoj jedinici pripisuje dobit koju bi mogla ostvariti da je bila odvojeno i posebno preduzeće koje se bavi istim ili sličnim djelatnostima, pod istim ili sličnim uslovima i da je poslovala potpuno samostalno sa preduzećem, čija je stalna jedinica.
- (3) Pri određivanju dobiti stalne jedinice, priznaju se kao odbici troškovi koji su napravjeni za potrebe stalne jedinice, uključujući troškove upravljanja i opšte administrativne troškove, bilo u državi u kojoj se nalazi stalna jedinica ili na drugom mjestu. Ipak, neće se priznati kao odbici iznosi, ako ih bude, plaćeni (osim za nadoknadu stvarnih troškova) od strane stalne jedinice glavnoj kancelariji preduzeća ili

bilo kojoj drugoj kancelariji istog, putem autorskih naknada, honorara ili drugih sličnih isplata za korištenje patenata ili drugih prava, ili putem provizija za pružene posebne usluge ili za upravljanje, ili, osim u slučaju bankarskog preduzeća, putem kamata na zajam stalnoj jedinici. Isto tako, neće se uzimati u obzir pri utvrđivanju dobiti stalne jedinice, iznosi nametnuti (osim za nadoknadu stvarnih troškova) od strane stalne jedinice glavnoj kancelariji preduzeća ili bilo kojoj drugoj kancelariji istog, putem autorskih naknada, honorara ili drugih isplata za korištenje patenata ili drugih prava, ili putem provizije za pružene posebne usluge ili za upravljanje, ili, osim u slučaju bankarskog preduzeća, putem kamate na zajam glavnoj kancelariji preduzeća ili bilo kojoj drugoj kancelariji istog.

(4) Ukoliko je uobičajeno da se u državi Ugovornici dobit koja se pripisuje stalnoj jedinici određuje na osnovu raspodjele ukupne dobiti preduzeća njegovim dijelovima, stav 2. ovog člana ne sprečava tu državu Ugovornicu da takvom uobičajenom raspodjelom odredi dobit koja se oporezuje; usvojeni metod raspodjele, međutim, će biti takav da rezultat bude u skladu sa principima iz ovog člana.

(5) Stalnoj jedinici ne pripisuje se dobit ako ta stalna jedinica samo kupuje dobra ili robu za preduzeće.

(6) Za potrebe prethodnih stavova, dobit koja se pripisuje stalnoj jedinici određuje se istom metodom iz godine u godinu, osim ako ne postoji opravdan i dovozan razlog da se postupi drugačije.

(7) Ako dobit obuhvata pojedine prihode koji su regulisani posebnim članovima ovog sporazuma, odredbe ovog člana ne utječu na odredbe tih članova.

#### Član 8.

##### **Međunarodni saobraćaj**

(1) Dobit preduzeća države Ugovornice od korištenja brodova, aviona ili cestovnih vozila u međunarodnom saobraćaju oporezuje se samo u toj državi Ugovornici.

(2) Odredbe stava 1. ovog člana primjenjuju se i na dobit od učešća u zajedničkim fondovima, zajedničkom poslovanju ili međunarodnoj poslovnoj agenciji.

#### Član 9.

##### **Povezana preduzeća**

(1) Ako:

a) preduzeće države Ugovornice učestvuje posredno ili neposredno u upravljanju, kontroli ili imovini preduzeća druge države Ugovornice, ili

b) iste osobe učestvuju posredno ili neposredno u upravljanju, kontroli ili imovini preduzeća države Ugovornice i preduzeća druge države Ugovornice,

i ako se u oba slučaja, između ta dva preduzeća, u njihovim trgovinskim ili finansijskim odnosima, dogovoreni ili nametnuti uslovi razlikuju od uslova koji bi bili dogovoreni

između neovisnih preduzeća, dobit koju bi, da nema tih uslova, ostvarilo jedno od preduzeća, ali je zbog tih uslova nije ostvarilo, može se ukqučiti u dobit tog preduzeća i shodno tome oporezivati.

(2) Ako država Ugovornica ukqučuje u dobit preduzeća te države dobit za koju je preduzeće druge države Ugovornice oporezovano u toj drugoj državi, i shodno tome je oporezuje, i ako je tako ukqučena dobit onda dobit koju bi preduzeće prvospomenute države ostvarilo da su uslovi dogovoreni između ta dva preduzeća bili oni uslovi koje bi dogovorila neovisna preduzeća, tada ta druga država vrši odgovarajuće korekcije iznosa poreza koji je u njoj naplativ na tu dobit. Prilikom vršenja te korekcije, vodit će se računa o ostalim odredbama ovog sporazuma i, ako je potrebno, nadležni organi država Ugovornica će se međusobno konsultirati.

## Član 10. Dividende

(1) Dividende koje isplaćuje kompanija rezident države Ugovornice rezidentu druge države Ugovornice mogu se oporezivati u toj drugoj državi.

(2) Ali, dividende se takođe mogu oporezivati i u državi Ugovornici čiji je rezident kompanija koja isplaćuje dividende, u skladu sa zakonima te države, ali ako je stvarni vlasnik dividendi rezident druge države Ugovornice, utvrđeni porez ne može biti veći od:

a) 5 procenata bruto iznosa dividendi ako je stvarni vlasnik dividendi kompanija (osim partnerstva) koja posjeduje direktno najmanje 25 procenata imovine kompanije koja isplaćuje dividende.

b) 10 procenata bruto iznosa dividendi u svim ostalim slučajevima.

Nadležni organi država Ugovornica će međusobnim dogovorom utvrditi način primjene ovih ograničenja.

Ovaj stav ne utiče na oporezivanje dobiti kompanije iz koje se dividende isplaćuju.

(3) Izraz "dividende", u ovom članu, označava dohodak od dionica, dionice koje se "uživaju" ili postoji pravo na njihovo "uživanje", dionice rudnika, osnivačke dionice i druga prava koja nisu potraživanja duga, učešće u dobiti, kao i dohodak od drugih prava kompanije koji je poreski izjednačen sa dohotkom od dionica u zakonima države čiji je rezident kompanija koja vrši raspodjelu.

(4) Odredbe st. 1. i 2. ovog člana ne primenjuju se ako stvarni vlasnik dividendi, rezident države Ugovornice, obavqa poslovanje u drugoj državi Ugovornici čiji je rezident kompanija koja isplaćuje dividende preko stalne jedinice koja se nalazi u toj državi ili u njoj izvodi osobne djelatnosti iz stalnog sjedišta u njoj smještenog, a imovina u vezi s kojom se isplaćuju dividende stvarno pripada stalnoj jedinici ili stalnom sjedištu. U tom slučaju primjenjuju se, u zavisnosti od slučaja, odredbe člana 7. i člana 14.

(5) Ako kompanija koja je rezident države Ugovornice ostvaruje dobit ili dohodak iz druge države Ugovornice, ta druga država Ugovornica ne može zavesti porez na

dividende koje isplaćuje kompanija, osim ako te dividende nisu isplaćene rezidentu te druge države ili ako imovina na osnovu koje se dividende isplaćuju stvarno pripadaju stalnoj jedinici ili stalnom sjedištu koje se nalazi u toj drugoj državi, niti neraspodijenu dobit kompanije oporezovati porezom na neraspodijenu dobit kompanije, čak i ako se isplaćene dividende ili neraspodijena dobit u potpunosti ili djelimično sastoje od dobiti ili dohotka koji su nastali toj drugoj državi.

#### Član 11. **Kamata**

(1) Kamata koja nastaje u državi Ugovornici, a isplaćuje se rezidentu druge države Ugovornice može se oporezivati u toj drugoj državi.

(2) Kamate se takođe mogu oporezivati u državi Ugovornici u kojoj nastaju i u skladu sa zakonima te države, ali ako je stvarni vlasnik kamate rezident druge države Ugovornice, tako utvrđeni porez ne može prelaziti 10 procenata bruto iznosa kamate.

Nadležni organi država Ugovornica će međusobnim dogovorom utvrditi način primjene ovog ograničenja.

(3) Izraz "kamata" u ovom članu označava prihod od potraživanja duga svake vrste, nezavisno od toga da li su osigurana zalogom i da li se na osnovu njih stiče pravo na učešće u dobiti dužnika, a posebno prihod od državnih vrijednosnih papira i prihod od državnih obveznica ili drugih obveznica, uključujući premije i nagrade na takve vrijednosne papire ili obveznice. Zatezna kamata se ne smatra kamatom u smislu ovog člana.

(4) Odredbe st. 1. i 2. ovog člana ne primjenjuju se ako stvarni vlasnik kamate, rezident države Ugovornice, obavlja poslovanje u drugoj državi Ugovornici u kojoj kamata nastaje, preko stalne jedinice koja se nalazi u toj državi ili ako izvodi u toj drugoj državi samostalne osobne djelatnosti iz stalnog sjedišta koje se nalazi u toj državi, a potraživanje duga na koji se plaća kamata je stvarno povezano sa stalnom jedinicom ili stalnim sjedištem. U tom slučaju primjenjuju se odredbe člana 7. ili člana 14, u zavisnosti od slučaja.

(5) Smatra se da kamata nastaje u državi Ugovornici kada je isplatilac kamate rezident te države. Ako osoba koja plaća kamatu, bez obzira na to da li je rezident države Ugovornice, ima u toj Ugovornoj državi stalnu jedinicu ili stalno sjedište sa kojom je povezan dug na koji se plaća kamata, a tu kamatu snosi ta stalna jedinica ili stalno sjedište, smatra se da kamata nastaje u državi Ugovornici u kojoj se nalazi stalna jedinica ili stalno sjedište.

(6) Ako iznos kamate, zbog posebnog odnosa između platioca i stvarnog vlasnika ili između njih i treće osobe, imajući u vidu potraživanje duga za koje se kamata plaća, prelazi iznos koji bi bio ugovoren između platioca i stvarnog vlasnika u odsustvu takvog odnosa, odredbe ovog člana primjenjuju se samo na iznos koji bi bio ugovoren da takvog odnosa nema. U tom slučaju, preplaćeni iznos oporezuje se u skladu sa zakonima svake države Ugovornice, imajući u vidu ostale odredbe ovog sporazuma.

## Član 12. Autorske naknade

(1) Autorske naknade koje nastaju u državi Ugovornici, a isplaćuju se rezidentu druge države Ugovornice mogu se oporezivati u toj drugoj državi.

(2) Autorske naknade se mogu oporezivati i u državi Ugovornici u kojoj nastaju, a u skladu sa zakonima te države, ali ako je stvarni vlasnik tih autorskih naknada rezident druge države Ugovornice, tako zaveden porez ne može biti veći od 10 procenata bruto iznosa autorskih naknada.

Nadležni organi država Ugovornica će međusobnim dogovorom utvrditi način primjene ovog ograničenja.

(3) Izraz "autorske naknade", u ovom članu označava plaćanja bilo koje vrste koja su primjena kao naknada za korištenje ili za pravo korištenja autorskih prava na književno, umjetničko ili naučno djelo, uključujući kinematografske filmove, zatim patenta, računarskog programa, zaštitnog znaka, nacrtu ili modela, plana, tajne formule ili procesa ili za obavijesti koje se tiču industrijskog, komercijalnog ili naučnog iskustva.

(4) Odredbe st. 1. i 2. ovog člana ne primjenjuju se ako stvran vlasnik autorskih naknada, rezident države Ugovornice, obavlja poslovanje u drugoj državi Ugovornici u kojoj autorske naknade nastaju preko stalne jedinice koja se nalazi u toj drugoj Ugovornoj državi ili toj drugoj državi izvodi samostalne osobne djelatnosti iz stalnog sjedišta koje se nalazi u toj drugoj državi, a pravo ili imovina na osnovu kojih se autorske naknade plaćaju stvarno pripadaju toj stalnoj jedinici ili stalnom sjedištu. U tom slučaju primjenjuju se odredbe člana 7. i člana 14, u zavisnosti od slučaja.

(5) Smatra se da autorske naknade nastaju u državi Ugovornici kada je isplatilac rezident te države. Ako se osoba koja plaća autorske naknade, bez obzira na to da li je rezident države Ugovornice, ima u državi Ugovornici stalnu jedinicu ili stalno sjedište u vezi sa kojom je nastala obaveza plaćanja autorskih naknada, a te autorske naknade padaju na teret te stalne jedinice ili stalnog sjedišta, smatra se da autorske naknade nastaju u državi Ugovornici u kojoj se nalazi stalna jedinica ili stalno sjedište.

(6) Ako iznos autorskih naknada, zbog posebnog odnosa između platioca i stvarnog vlasnika ili između njih i treće osobe, imajući u vidu korištenje, pravo ili informaciju za koje se one plaćaju, prelazi iznos koji bi bio ugovoren između platioca i stvarnog vlasnika da takvog odnosa nema, odredbe ovog člana primjenjuju se samo na iznos koji bi tada bio dogovoren. U tom slučaju, preplaćeni iznos oporezuje se u skladu sa zakonima svake države Ugovornice, imajući u vidu ostale odredbe ovog sporazuma.

## Član 13. Prihod od imovine

(1) Prihod koji ostvari rezident države Ugovornice od otuđenja nepokretne imovine navedene u članu 6. ovog sporazuma, a koja se nalazi u drugoj državi Ugovornici, može se oporezivati u toj drugoj državi.

(2) Prihod od otuđenja pokretne imovine koja predstavlja dio imovine namijenjene za poslovanje stalne jedinice koju preduzeće države Ugovornice ima u drugoj državi Ugovornici ili pokretne imovine koja se odnosi na stalno sjedište dostupno rezidentu države Ugovornice u drugoj državi Ugovornici u svrhu izvođenja samostalnih osobnih djelatnosti, uključujući prihode od otuđenja te stalne jedinice (same ili sa cijelim preduzećem) ili takvog stalnog sjedišta, može se oporezivati u toj drugoj državi.

(3) Prihod od otuđenja brodova, aviona ili cestovnih vozila u međunarodnom saobraćaju ili pokretne imovine koja služi za korištenje takvih brodova, aviona ili cestovnih vozila, oporezuje se samo u toj državi.

(4) Prihodi od otuđenja dionica ili drugih prava kompanije čija se imovina neposredno ili posredno uglavnom sastoji od nepokretne imovine u državi Ugovornici mogu biti oporezovani u toj državi.

(5) Prihodi od otuđenja imovine, osim imovine navedene u st. 1, 2, 3. i 4. ovog člana, oporezuju se samo u državi Ugovornici čiji je rezident osoba koja je otuđila imovinu.

#### Član 14.

##### **Samostalne osobne djelatnosti**

(1) Dohodak koji ostvari rezident države Ugovornice od profesionalnih djelatnosti ili ostalih samostalnih djelatnosti biće oporeziv samo u toj državi, ukoliko on nema stalno sjedište redovno na raspolaganju u drugoj Ugovornoj državi u svrhu izvođenja svojih djelatnosti. Ukoliko ima takvo stalno sjedište, prihod se može oporezovati u toj drugoj državi ali samo do iznosa koji se može pripisati takvom stalnom sjedištu.

(2) Izraz "profesionalne djelatnosti", posebno uključuju neovisne naučne, književne, umjetničke, obrazovne i predavačke aktivnosti, ako i neovisne aktivnosti liječnika, pravnika, inženjera, arhitekata, zubara i računovođa, revizora i savjetnika.

#### Član 15.

##### **Prihod iz radnog odnosa**

(1) Zavisno od odredaba čl. 16, 18, 19. i 21, plate, naknade i druga slična primanja koja ostvari rezident države Ugovornice od rada oporezuju se samo u toj državi, osim ako se takav rad ne obavlja u drugoj državi Ugovornici. Ako se rad obavlja u drugoj državi Ugovornici, takva primanja se mogu oporezivati u toj drugoj državi.

(2) Bez obzira na odredbe stava 1. ovog člana, primanja koja ostvari rezident države Ugovornice iz radnog odnosa u drugoj državi Ugovornici oporezuje se samo u prvospomenutoj državi ako su ispunjeni slijedeći uslovi:

a) primalac boravi u drugoj državi u periodu ili periodima koji ukupno ne prelaze 183 dana u bilo kom periodu od dvanaest mjeseci, a koji počinje ili se završava u toj fiskalnoj godini;

b) primanja se isplaćuju od strane ili u ime poslodavca koji nije rezident druge države;

c) primanja ne padaju na teret stalne jedinice ili stalnog sjedišta koje poslodavac ima u toj drugoj državi.

(3) Bez obzira na prethodne odredbe ovog člana, primanja ostvarena iz radnog odnosa na brodu, avionu ili cestovnom vozilu koje u međunarodnom saobraćaju koristi preduzeće države Ugovornice mogu se oporezivati u toj državi.

#### Član 16. **Naknade direktora**

Naknade direktora i druga slična primanja koja ostvari rezident države Ugovornice u svojstvu člana odbora direktora kompanije kompanije koja je rezident druge države Ugovornice, mogu se oporezivati u toj drugoj državi.

#### Član 17. **Umjetnici i sportisti**

(1) Bez obzira na odredbe čl. 14. i 15, dohodak kojeg ostvari rezident države Ugovornice osobnim obavljanjem djelatnosti izvođača kao što je pozorišni, filmski, radio ili televizijski umjetnik ili muzičar ili sportista u drugoj državi Ugovornici, može se oporezivati u toj drugoj državi.

(2) Ako dohodak od osobno obavljenih djelatnosti izvođača ili sportiste, u tom svojstvu, ne pripada osobno izvođaču ili sportisti nego drugoj osobi, bilo da je ona rezident države Ugovornice ili ne, taj se dohodak, bez obzira na odredbe čl. 7, 14. i 15, može oporezivati u državi Ugovornici u kojoj su obavljene djelatnosti izvođača ili sportiste.

#### Član 18. **Penzije**

Zavisno od odredaba stava 2. člana 19, penzije i druga slična primanja koja se isplaćuju rezidentu države Ugovornice na osnovu ranijeg radnog odnosa oporezuju se samo u toj državi.

#### Član 19. **Usluge za potrebe Vlade**

(1) a) Plate, naknade i druga slična primanja, osim penzija, koje plaća država Ugovornica ili njena administrativno-teritorijalna jedinica ili lokalna vlast fizičkoj osobi za usluge učinjene toj državi, administrativno-teritorijalnoj jedinici ili lokalnoj vlasti, oporezuju se samo u toj državi.

b) Međutim, te plate, naknade i druga slična primanja oporezuju se samo u drugoj državi Ugovornici ako su usluge pružene u toj državi, a fizička osoba je rezident te države i :

- državljanin je te države, ili
- nije postala državljanin te države samo zbog vršenja usluga.

(2) a) Svaka penzija koju država Ugovornica plaća neposredno ili iz fondova koje je osnovala ta država Ugovornica, njena administrativno-teritorijalna jedinica ili lokalna vlast, fizičkoj osobi za usluge pružene toj državi, njejoj administrativno-teritorijalnoj jedinici ili lokalnoj vlasti, oporezuje se samo u toj državi.

b) Međutim, ta penzija se oporezuje samo u drugoj državi Ugovornici ako je fizička osoba rezident i državljanin te države.

(3) Odredbe čl. 15, 16, 17. i 18. ovog sporazuma primjenjuju se na plate, naknade i druga slična primanja i penzije koje se plaćaju u vezi sa ulugama pruženim u vezi s poslovanjem koje obavlja država Ugovornica, njena administrativno-teritorijalna jedinica ili lokalna vlast.

#### Član 20.

##### **Studenti**

Isplate koje student ili osoba na stručnoj obuci, koja jeste, ili je neposredno prije odlaska u državu Ugovornicu bila rezident druge države Ugovornice, a boravi u prvospomenutoj državi isključivo radi obrazovanja ili obučavanja, primi u svrhu izdržavanja, obrazovanja ili obučavanja neće se oporezivati u toj državi ako su ta sredstva iz izvora izvan te države.

#### Član 21.

##### **Profesori i nastavnici**

(1) Osoba koja odlazi u državu Ugovornicu u svrhu predavanja ili izvođenja istraživanja na univerzitetu, kolexu ili drugoj priznatoj obrazovnoj instituciji u toj državi i koja jeste ili je neposredno prije tog odlaska bila rezident druge države Ugovornice, će biti izuzeta od oporezivanja u prvospomenutoj državi Ugovornici za nadoknade za takvo predavanje ili istraživanje za period koji ne prelazi dvije godine od datuma njene prve posjete u tu svrhu, ako je takva nadoknada koju on ostvari iz izvora van te države.

(2) Odredbe stava 1. ovog člana se neće primjenjivati na prihod od israživanja ako je ono obavljeno ne u javnom interesu, već prevashodno, za privatnu korist određene lica ili osoba.

#### Član 22.

##### **Ostali dohodak**

(1) Pojedini dohoci rezidenata države Ugovornice, bez obzira na to gdje nastaju, koji nisu regulirani u prethodnim članovima ovog sporazuma oporezuju se samo u toj državi.

(2) Odredbe stava 1. ovog člana na primjenjuju se na dohodak, osim na dohodak od nepokretne imovine definisane u stavu 2. člana 6, ako primalac dohotka, rezident države Ugovornice, obavlja poslovanje u drugoj ugovornoj državi preko stalne jedinice koja se u njoj nalazi ili izvodi samostalne osobne djelatnosti iz stalnog sjedišta koje se u njoj nalazi, a pravo ili imovina na osnovu kojih se dohodak plaća stvarno su povezani sa tom stalnom jedinicom ili stalnim sjedištem. U tom slučaju primjenjuju se odredbe čl. 7. i 14, u zavisnosti od slučaja.

**Član 23.**  
**Imovina**

- (1) Imovina koja se sastoji od nepokretne imovine navedene u članu 6. ovog sporazuma, koju posjeduje rezident države Ugovornice i koja se nalazi u drugoj državi Ugovornici, može se oporezivati u toj drugoj državi.
- (2) Imovina koja se sastoji od pokretne imovine koja predstavlja dio imovine namijenjene poslovanju stalne jedinice koju preduzeće države Ugovornice ima u drugoj državi Ugovornici, ili koja se sastoji od pokretne imovine stalnog sjedišta dostupnog rezidentu države Ugovornice u drugoj državi Ugovornici u svrhu izvođenja samostalnih osobnih djelatnosti, se može oporezivati u toj drugoj državi.
- (3) Imovina koja se sastoji od brodova, aviona i cestovnih vozila, koje preduzeće države Ugovornice koristi u međunarodnom saobraćaju, kao i pokretne imovine koja služi za korištenje takvih brodova, aviona i cestovnih vozila oporezuje se samo u toj državi.
- (4) Imovina koja se sastoji od dionica ili drugih prava kompanije, čija se imovina neposredno ili posredno uglavnom sastoji od nepokretne imovine smještene u državi Ugovornici može biti oporezovana u toj državi.
- (5) Svi ostali dijelovi imovine rezidenata države Ugovornice oporezuju se samo u toj državi.

**Član 24.**  
**Otklanjanje dvostrukog oporezivanja**

- (1) Ako rezident države Ugovornice ostvaruje dohodak ili posjeduje imovinu koji, u skladu sa odredbama ovog sporazuma, mogu biti oporezivani u drugoj državi Ugovornici, onda će prvospomenuta država odobriti:
- a) odbitak od poreza na dohodak tog rezidenta iznos jednak iznosu poreza na dohodak koji je plaćen u toj drugoj državi;
- b) odbitak od poreza na imovinu tog rezidenta iznos jednak iznosu poreza na imovinu koji je plaćen u toj drugoj državi.

Ovakav odbitak neće prelaziti, u bilo kojem od ova dva slučaja, onaj dio poreza na dohodak ili imovinu, obračunatih prije odbitka, a koji je odgovarajući, u zavisnosti od slučaja, dohotku ili imovini koji mogu biti oporezivani u toj drugoj državi.

- (2) Ako je, u skladu sa bilo kojom odredbom ovog sporazuma, dohodak ostvaren ili imovina posjedovana od strane rezidenta države Ugovornice izuzeta od plaćanja poreza u toj državi, ta država može i pored toga, prilikom obračuna iznosa poreza na preostali dohodak ili imovinu tog rezidenta, uzeti u obzir izuzeti dohodak ili imovinu.

**Član 25.**  
**Jednak tretman**

(1) Dražavqani države Ugovornice ne podliježu u drugoj državi Ugovornici oporezivanju ili zahtjevu u vezi sa oporezivanjem koje je drugačije ili teže od oporezivanja ili zahtjeva u vezi sa oporezivanjem kojima državqani druge države u istim uslovima, a posebno u odnosu na boravište, podliježu ili mogu podlijegati.

(2) Oporezivanje stalne jedinice koju preduzeće države Ugovornice ima u drugoj dražvi Ugovornici ne može biti nepovoqnije u toj drugoj državi od oporezivanja preduzeća te druge države koja obavqa iste djelatnosti. Ova odredba ne može se tumačiti tako da obavezuje državu Ugovornicu da rezidentima druge države Ugovornice odobrava osobne naknade, olakšice i umanjenja za svrhe oporezivanja zbog društvenog statusa ili porodičnih obaveza a koje odobrava svojim rezidentima.

(3) Osim ako se ne primjenjuju stav1. člana 9, stav 6. člana 11, ili stav 6. člana 12, kamata, autorske naknade i druge isplate preduzeća države Ugovornice rezidentu druge države Ugovornice, radi određivanja oporezivnih dobiti tog preduzeća, odbijaju se pod istim uslovima kao da su isplaćene rezidentu prvospomenute države. Slično, bilo koji dugovi preduzeća države Ugovornice prema rezidentu druge države Ugovornice, radi određivanja oporezive imovine tog preduzeća, odbijaju se pod istim uslovima kao da su bili ugovoreni prema rezidentu prvospomenute države.

(4) Preduzeća države Ugovornice čiju imovinu potpuno ili djelimice posjeduju ili kontrolišu, direktno ili indirektno, jedan ili više rezidenata druge države Ugovornice, u prvospomenutoj državi ne podliježu oporezivanju ili zahtjevu u vezi sa oporezivanjem, koje je drugačije ili teže od oporezivanja i zahtjeva u vezi sa oporezivanjem kome druga slična preduzeća prvospomenute države podliježu ili mogu podlijegati.

#### Član 26.

#### **Postupak zajedničkog sporazumjevanja**

(1) Ako osoba smatra da mjere jedne ili obje države Ugovornice dovode ili će dovesti do toga da ne bude oporezovana u skladu sa odredbama ovog sporazuma, ona može, bez obzira na pravna sredstva predviđena domaćim zakonima tih država, izložiti svoj slučaj nadležnom organu države Ugovornice čiji ona rezident ili, ako njegov slučaj potpada pod odredbe stava 1. člana 25, nadležnom organu države Ugovornice čiji je državqanin. Slučaj se mora iznijeti u roku od tri godine od kada je prvi put primqena obavijest o akciji koja je rezultirala oporezivanjem koje nije u skladu s odredbama ovog sporazuma.

(2) Nadležni organ će, ako smatra da je prigovor opravdan i ako nije u mogućnosti da sam dođe do odgovarajućeg rješenja, nastojati da riješi slučaj međusobnim dogovorom sa nadležnim organom druge države Ugovornice u ciqu izbjegavanja oporezivanja koje nije u skladu sa odredbama ovog sporazuma. Svaki postignuti dogovor se primjenjuje bez obzira na vremenska ograničenja u domaćem Zakonu država Ugovornica.

(3) Nadležni organi država Ugovornica nastojat će međusobnim dogovorom otkloniti teškoće ili nejasnoće koje nastaju pri tumačenju ili primjeni ovog sporazuma. Oni se mogu i savjetovati radi otklanjanja dvostrukog oporezivanja u slučajevima koji nisu predviđeni ovim sporazumom.

(4) Nadležni organi država Ugovornica mogu međusobno komunicirati direktno ili putem zajedničke komisije koja se sastoji od tih nadležnih organa ili njihovih predstavnika, u svrhu postizanja dogovora u smislu prethodnih stavova.

#### Član 27.

##### **Razmjena informacija**

(1) Nadležni organi država Ugovornica razmjenjuju informacije potrebne za primjenu odredaba ovog sporazuma ili domaćeg zakona koji se odnosi na poreze bilo koje vrste i opisa nametnute u ime države Ugovornice, ili njene administrativno-teritorijalne jedinice ili lokalne vlasti, ukoliko oporezivanje predviđeno tim zakonima nije u suprotnosti sa ovim sporazumom. Razmjena informacija nije ograničena čl. 1. i 2 ovog sporazuma. Svaka informacija primljena od države Ugovornice smatra se tajnom na isti način kao i informacija dobijena u skladu sa domaćim zakonom te države i može se saopštiti samo osobama ili organima (uključujući sudove i upravne organe) koji su nadležni za procjenu ili naplatu, sprovođenje ili krivično gonjenje, ili utvrđivanje žalbi u odnosu na poreze o kojima se govori u prvoj rečenici. Takve osobe ili organi će koristiti informacije samo u te svrhe. Oni mogu saopštiti te informacije tokom postupku u državnom sudu ili u sudskim odlukama.

(2) Odredbe stava 1. ovog člana ne mogu se ni u kom slučaju tumačiti kao obaveza nadležnog organa države Ugovornice da:

- a) poduzima upravne mjere suprotne zakonima ili upravnoj praksi te ili druge države Ugovornice;
- b) daje informacije koje se na mogu dobiti u skladu sa zakonima ili u upravnom postupku te ili druge države Ugovornice;
- c) daje informacije koje otkrivaju bilo koju trgovinsku, industrijsku, komercijalnu ili profesionalnu tajnu ili trgovinski postupak ili informaciju čije bi saopštavanje bilo suprotno javnom poretku.

#### Član 28.

##### **Članovi diplomatskih i konzularnih predstavništava**

Odredbe ovog sporazuma ne utiču na poreske povlastice članova diplomatskih misija ili konzularnih predstavništava po opštim pravilima međunarodnog prava ili odredaba posebnih sporazuma.

#### Član 29.

##### **Stupanje na snagu**

(1) Ovaj sporazum stupa na snagu na datum pismenih obavijesti o istom upućenih diplomatskim kanalima, u kojima se potvrđuje završetak u državama Ugovornicama procedura zakonski predviđenih da bi ovaj sporazum stupio na snagu, a njegove odredbe primjenjivaće se:

- a) na poreze zadržane na izvoru, na prihod stečen na dan ili nakon prvog januara prve kalendarske godine nakon one u kojoj je ovaj sporazum stupio na snagu.

b) na ostale poreze na prihod i poreze na imovinu, na poreze koji se mogu nametnuti za bilo koju fiskalnu godinu koja počinje na dan ili nakon prvog januara prve kalendarske godine nakon one u kojoj je ovaj sporazum stupio na snagu.

Član 30.  
**Prestanak važenja**

(1) Ovaj sporazum ostaje na snazi sve dok ga ne raskine jedna od država Ugovornica. Svaka država Ugovornica može raskinuti Sporazum, diplomatskim kanalima, davanjem pismene obavijesti o raskidanju najmanje šest mjeseci prije kraja bilo koje kalendarske godine nakon perioda od pet godina od datuma stupanja na snagu Sporazuma. U tom slučaju Sporazum se prestaje primjenjivati na:

a) na poreze zadržane na izvoru, na prihod stečen na dan ili nakon prvog januara prve kalendarske godine nakon godine kada je obavijest o prestanku važenja izdata;

b) na ostale poreze na prihod i poreze na imovinu, na poreze koji se nameću za bilo koju fiskalnu godinu koja počinje na dan ili nakon prvog januara prve kalendarske godine nakon one u kojoj je obavijest o prestanku važenja izdata.

U potvrdu čega su dođe potpisani, punovažno za to ovlašćeni, potpisali ovaj sporazum.

Sačinjeno 8. decembra 2003 godine, u dva originalna primjerka moldavskom, srpskom/bosanskom/hrvatskom i engleskom jeziku, sa oba originala podjednako autentična. U slučaju različitog tumačenja ili primjene odredaba ovog sporazuma, engleski tekst je mjerodavan.

Za Bosnu i Hercegovinu  
mr. **Qerka Marić**, s.r.

Za Republiku Moldaviju  
**Zinaida Greciani**, s.r.

Član 3.

Ova odluka će biti objavljena u "Službenom glasniku BiH" na srpskom, bosanskom i hrvatskom jeziku i stupa na snagu danom objavivanja.

Broj 01-011-1519-9/04  
7. oktobra 2004. godine  
Sarajevo

Predsjedavajući  
Predsjedništva BiH  
**Sulejman Tihić**, s.r.

Na osnovu člana V 3. d) Ustava Bosne i Hercegovine, Predsjedništvo Bosne i Hercegovine je na 54.sjednici, održanoj 1. septembra 2004. godine donijelo

## **ODLUKU**

### **O RATIFIKACIJI SPORAZUMA IZMEĐU VIJEĆA MINISTARA BOSNE I HERCEGOVINE I SAVJETA MINISTARA SRBIJE I CRNE GORE O USLOVIMA PUTOVANJA DRŽAVLJANA DVIJE DRŽAVE**

#### Član 1.

Shodno saglasnosti Parlamentarne skupštine Bosne i Hercegovine (Odluka PS BiH broj 71/04 od 16.jula 2004.godine) ratificira se Sporazum između Vijeća ministara Bosne i Hercegovine i Savjeta ministara Srbije i Crne Gore o uslovima putovanja državljana dviju država, potpisan u Sarajevu 13.novembra 2003. godine na bosanskom, srpskom i hrvatskom jeziku, te službenom jeziku Srbije i Crne Gore - srpskom jeziku.

#### Član 2.

Tekst sporazuma glasi

## **SPORAZUM**

### **IZMEĐU VIJEĆA MINISTARA BOSNE I HERCEGOVINE I SAVJETA MINISTARA SRBIJE I CRNE GORE O USLOVIMA PUTOVANJA DRŽAVLJANA DVIJE DRŽAVE**

Vijeće ministara Bosne i Hercegovine i Savjet ministara Srbije i Crne Gore ( u daljem tekstu: "strane ugovornice"), rukovodeći se željom da međusobno olakšaju putovanja državljana obje države, dogovorile su se o slijedećem.

#### Član 1.

Državljeni država strana ugovornica mogu ulaziti na teritoriju države druge strane ugovornice sa ličnom kartom ili putnom ispravom, bez vize, na svim graničnim prijelazima otvorenim za međunarodni saobraćaj i u njoj boraviti do 90 dana od dana ulaska.

Državljeni države jedne strane ugovornice koji se nalaze na teritoriju države druge strane ugovornice i namjeravaju da borave duže od 90 dana, dužni su da podnesu zahtjev za regulisanje boravka na način predviđen zakonodavstvom te strane ugovornice.

#### Član 2.

U smislu nacionalnog zakonodavstva, važeće putne isprave za državljane Bosne i Hercegovine su: pasoš, zajednički pasoš, diplomatski pasoš, službeni pasoš, putni list i pomorska knjižica, kao i putne isprave koje se izdaju na osnovu međunarodnog ugovora.

U smislu nacionalnog zakonodavstva, važeće putne isprave za državljane Srbije i Crne Gore su: pasoš, zajednički pasoš, diplomatski pasoš, službeni pasoš, putni list i pomorska knjižica, kao i putne isprave koje se izdaju na osnovu međunarodnog ugovora.

#### Član 3.

Strane ugovornice će diplomatskim putem blagovremeno obavještavati jedna drugu o izmjenama uslova ulaska, boravka i izlaska državljanina država strana ugovornica.

#### Član 4.

Državljanima države jedne strane ugovornice su dužni da se za vrijeme boravka na teritoriju države druge strane ugovornice pridržavaju njenih zakona i drugih propisa.

#### Član 5.

Svaka strana ugovornica u skladu sa svojim zakonodavstvom zadržava pravo da uskrati ulazak ili otkáže boravak na svojoj teritoriji državljanima države druge strane ugovornice.

#### Član 6.

Državljanima države jedne strane ugovornice koji ostanu bez važeće putne isprave ili lične karte na teritoriju države druge strane ugovornice, mogu napustiti njenu teritoriju sa putnom ispravom izdatom od strane diplomatsko-konzularnog predstavništva svoje države, u skladu sa procedurom koju predviđa nacionalno zakonodavstvo.

#### Član 7.

Svaka strana ugovornica može iz razloga predviđenih zakonom država ugovornica, kao i iz razloga bezbjednosti i zaštite zdravlja privremeno obustaviti, u potpunosti ili djelimično, primjenu odredaba Sporazuma, o čemu će bez odlaganja diplomatskim putem obavijestiti drugu stranu ugovornicu.

#### Član 8.

U slučaju izmjene važećih ili uvođenja novih vrsta putnih isprava, strane ugovornice će diplomatskim putem dostaviti obrasce i obavijestiti o uslovima njihovog korištenja, najkasnije 30 dana prije početka njihove upotrebe.

#### Član 9.

Sporazum je zaključen na neodređeno vrijeme.

Svaka strana ugovornica može otkazati Sporazum uz prethodno obavještenje diplomatskim putem druge strane ugovornice.

Važenje Sporazuma prestaje po isteku 30 dana od dana prijema obavijesti.

Član 10.

Sporazum podliježe ratifikaciji u skladu sa nacionalnim zakonodavstvom svake strane ugovornice i stupa na snagu po isteku 30 dana od dana razmjene nota.

Ovaj sporazum se privremeno primjenjuje od dana potpisivanja.

Sačinjeno u Sarajevu, 13. novembra 2003. godine, na službenim jezicima Bosne i Hercegovine - bosanskom, hrvatskom i srpskom jeziku i srpskom jeziku u dva istovjetna primjerka, koji su jednako vjerodostojni.

Za Vijeće ministara  
Bosne i Hercegovine  
ministar vanjskih poslova  
**Mladen Ivanić**, s.r.

Za Savjet ministara  
Srbije i Crne Gore  
ministar spoljnih poslova  
**Goran Svilanović**, s.r.

Član 3.

Ova odluka će biti objavljena u "Službenom glasniku BiH" na bosanskom, srpskom i hrvatskom jeziku i stupa na snagu danom objavljivanja.

Broj 01-1367-10/04.  
1. septembra 2004. godine  
Sarajevo

Predsjedavajući  
Predsjedništva BiH  
**Sulejman Tihić**, s.r.